

BOSNA I HERCEGOVINA
AGENCIJA ZA JAVNE NABAVKE



БОСНА И ХЕРЦЕГОВИНА
АГЕНЦИЈА ЗА ЈАВНЕ НАБАВКЕ

BOSNIA AND HERZEGOVINA
PUBLIC PROCUREMENT AGENCY

Broj:02.2-02-1271/06
Sarajevo, 11.08.2006.godine

Ministrastvo prometa i komunikacija
Direkcija za puteve KS
n/r Adem Zolj, Direktor

PREDMET: Upit o primjeni Zakona o javnim nabavkama Bosne i Hercegovine
VEZA: Vaš akt broj: 04-14-27/EH od 07.08.2006.godine

Poštovani,

Na osnovu člana 48. stav (4) tačka d) Zakona o javnim nabavkama Bosne i Hercegovine («Službeni glasnik BiH» br. 49/04, 19/05, 52/05, 8/06 i 24/06), Agencija za javne nabavke, u cilju osiguranja pravilne primjene zakona, pruža tehničku i savjetodavnu pomoć i ugovornim organima i dobavljačima u vezi s primjenom i tumačenjem odredbi zakona i podzakonskih akata, kao i detaljima iz Vašeg upita, daje slijedeće mišljenje:

Zakonom o javnim nabavkama Bosne i Hercegovine (u daljem tekstu: Zakon) određeno je opće pravilo da se ugovor ne može proširiti, obnoviti ili produžiti, kako u vezi sa količinom robe tako i u odnosu na period isporuke, u odnosu na ono što je određeno u tenderskoj dokumentaciji i u zaključenom ugovoru. Kao najvažnije pravilo, za bilo kakve nove isporuke podrazumijeva se zaključenje novog ugovora nakon što se provede odgovarajući postupak. U izuzetnim slučajevima ugovorni organ, ipak, može imati potrebu da nabavi **dodatne usluge ili dodatne radove u uskoj vezi sa važećim (glavnim) ugovorom**, kada takve dodatne isporuke, usljed **nepredviđenih okolnosti, postanu neophodne za izvršenje usluga ili radova koji su obuhvaćeni glavnim ugovorom**. Ali **samo** u slučaju kada se takve nepredviđene dodatne usluge ili radovi **ne mogu tehnički ili ekonomski odvojiti od glavnog ugovora bez većih nepogodnosti za ugovorni organ**, dozvoljeno je da se zakluče posebni ugovori za dodatno pružanje usluga ili izvršenje radova korištenjem pregovaračkog postupka bez objavljivanja obavještenja o nabavci, pod uslovom da se posebni ugovori zakluče sa istim pružaocem usluga ili ugovaračem radova koji izvršava glavni ugovor. Međutim, ukupna vrijednost ugovora dodijeljenih za takve dodatne usluge ili radove ne smije preći 50 % od vrijednosti glavnog ugovora.

Imajući u vidu navedeno, kao i detalje iz Vašeg akta, mišljenje Agencije je da je, **ukoliko su navedeni uslovi ispunjeni (kumulativno)**, ugovorni organ postupio u skladu sa Zakonom. U protivnom, ugovorni organ je trebao provesti novi postupak.

S poštovanjem,

Dostaviti:

- Naslovu,
- a/a



DIREKTOR
Đineta Fočo